


十
誦
律

才
三
十
六

三
百
十
三
存
六

49480



十誦律卷第三十六

存

姚秦三藏弗若多羅共三藏鳩摩羅什譯

第六誦之一

調達事初



佛在王舍城介時調達於佛法中信敬心清
淨著三十萬金錢直莊嚴具出家乘調善為
直十萬金錢是為以金網等莊嚴亦直十萬
金錢調達所著衣服復直十萬金錢是調達
出家作比丘十二年中善心修行讀經誦經
問疑受法坐禪介時佛所說法皆悉讀誦時
諸比丘有大神通勢力以閻浮樹故名閻浮
提斯諸比丘從是閻浮樹取菓還噉去閻浮
樹不遠有訶梨勒林阿摩勒林鞞醯勒林取



是諸菓還所住噉從鬱單越取自然粳米還
噉從忉利天取須陀天食還噉東西南北現
種種神力調達見已即生貪心作是念我何
時當能有大神通勢力以閻浮樹故名閻浮
提從是閻浮樹取菓還噉去閻浮樹不遠有
訶梨勒林阿摩勒林鞞醯勒林取是諸菓還
所住噉從鬱單越取自然秬米還噉從忉利
天取須陀食還噉東西南北現種種神力我
今何不往詣佛所問神通道作是念已即詣
佛所頭面禮佛問神通道佛先知是人於此
法中當作惡事是故不說語言調達汝止何用
是神通道爲當觀無常苦空無我調達聞是

語不忍不樂但一心向神通力作是念舍利
弗於佛第一經中說諸智慧弟子中最上第
一我當往詣舍利弗所問神通道當爲我說
念已即往問神通道舍利弗亦先知是人於
此法中當作惡事是故不說語言調達汝止
何用神通道爲當觀無常苦空無我調達聞
是語不忍不樂但一心向神通道作是念目
連於佛第一經中說諸神通道弟子中最勝
第一我當往詣問神通道當爲我說念已即
往問神通道目連先知是人於此法中當作
惡事是故不說語言調達汝止何用神通道
爲當觀無常苦空無我調達聞已不忍不樂

但一心向神通道如是展轉至最少一不滿
五百大弟子所皆不爲說今時調達作是念
阿難是我弟佛第一經中說諸多聞弟子中阿
難最勝第一我何不往詣其所問神通道當
爲我說念已即往問神通道阿難未離欲故
不知過去未來事便以多聞慧爲說神通道
調達受神通法已於山林曠野坑谷中勤修
習勤修習故得世俗四禪因是四禪起神通
力起神通力已以閻浮樹故名閻浮提從是
閻浮林取菓還噉去閻浮林不遠有大訶梨
勒林阿摩勒林鞞醯勒林取是諸菓還所住
噉從鬱單越取自然秬米還噉從忉利天上

取須陁天食還噉東西南北現種種神力是
調達先來惡心於佛作是念是沙門瞿曇種
姓不勝我彼姓瞿曇生釋家我亦姓瞿曇生
釋家諸人以清淨心多有供養者皆爲神通
力故我於何家以神通力攝取令多人隨順
我作是念瓶沙王於國中最大是佛不退轉
弟子我正使神通力牽終不可得調達素知
種種外書星宿相人吉凶天地怪相見瓶沙
王太子阿闍世王相明了我當以神通力攝
取決定是我檀越以是因緣多人隨從作是
念已變身作爲寶於阿闍世太子家不從門
入從門中出或從門入不從門出現如是相

欲令知是調達復變身作馬寶或從非門入
門中出或從門入非門出現如是相欲令知
是調達復現作寶鬘從太子膝上出時太子
捉鬘以繫額上現如是相欲令知是調達復
現作端正小兒著金寶瓔珞在太子膝上東
西宛轉太子嗚抱共戲唾其口中現如是相
欲令知是調達以是神通力牽阿闍世太子
心令生惡邪見謂調達神通力勝佛生愛敬
心供養衣服卧具湯藥乃至日日送五百釜
飲食五百乘車圍遶來至調達所自手下食
尔時諸比丘中前著衣持鉢入王舍城乞食
聞阿闍世太子如是供養調達衣服卧具湯

藥日日送五百金飲食五百乘車圍遶自至
調達所自手下飲食調達與五百弟子受是
供養聞已食後往詣佛所頭面禮足却坐一
面白佛言世尊我今日著衣持鉢入城乞食
聞阿闍世太子如是供養調達衣服卧具湯
藥日日送五百金飲食五百乘車圍遶自至
調達所自手下食調達與五百比丘受是供
養佛語諸比丘汝等莫貪調達供養何以故
是調達得供養自損減故如竹以實死芭蕉
實亦然如騾懷妊死調達得供養亦是爲
自損減故譬如竹蘆以實死亦時世尊欲明
了此事而說偈言

芭蕉以實死

竹蘆實亦然

騾懷妊故死

小人得養壞

此亦復如是

調達癡人隨幾時得如是利養隨尔所時長
夜受諸苦惱生惡處故語諸比丘譬如健夫
打破惡狗鼻於汝等意云何是狗寧更惡不
荅言實惡世尊佛言調達癡人亦如是隨幾
時得是供養隨尔所時長夜受苦惱生惡處
故尔時調達供養轉僧貪著供養覆心生如
是惡心佛今捨僧者我當將導衆僧生如是
心時退失神通尔時目連在支提國迦陵伽
盧谷中時有迦扶陁比丘俱羅子是長老目
連弟子是比丘捨離五欲修四梵行命終生

梵世伽扶陁梵天見調達退失神通見已如
壯士屈伸臂頃於梵世沒目連前現從禪定
起語目連言汝知不調達退失神通汝向佛所
說者善以是事白佛目連作是念我何不入
定觀調達心即時入定觀調達心見已失神
通即從定起默然受迦扶陁梵天語今時梵
天知目連默然受已頭面禮足右遶即沒目
連受梵天請已即入禪定於支提國迦陵伽
盧谷中沒於王舍城現離佛不遠今時目連
即從定起往詣佛所頭面禮佛足却坐一面
白佛言世尊如迦扶陁梵天所說調達實退
神通佛言汝先不知調達心如迦扶陁梵天

語耶佛共目連作如是語時調達即時與四
弟子俱來佛遙見調達來語目連言汝莫有
所說是癡人來自現其事目連作是念我何
不入定於此座上令調達不見即尋入定於
此座而調達不見調達前詣佛所頭面禮佛
足及四弟子却坐一面白佛言世尊年已老
耄可以衆僧付我佛但獨受現法樂令僧屬
我我當將導佛言舍利弗目捷連有大智慧
神通佛尚不以衆僧付之況汝噉唾癡人死
人而當付囑尔時調達聞佛說噉唾癡人死
人如是名字即便大瞋欲毀世尊兩眉垂下
憂感低頭默然無說作是思惟已即便起去

作是念言佛但讚歎舍利弗目連令大而毀
咎我等使令卑小是調達初向佛所生瞋恨
心及舍利弗目連等諸大弟子尔時阿難在
佛後立以扇扇佛佛頤語阿難諸比丘依止
王舍城住者令集講堂集已白我阿難受教
即令諸比丘依王舍城住者皆集講堂集已
往白佛言世尊依王舍城諸比丘已集講堂
佛自知時佛即將侍者阿難往詣講堂於衆
僧中敷坐處坐教化諸比丘世有五師何謂
爲五一師者不清淨持戒自言持戒清淨是
弟子共住故知師持戒不清淨自言持戒清
淨若我等說師實者或當不喜若師不喜當

云何說我等蒙師故得衣服卧具湯藥飲食
師好看我等者自當覺知如是師爲弟子覆
護持戒是師亦從弟子求覆護持戒是世間
初師第二師者不淨命自言淨命弟子共住
故知師不淨命自言淨命若我等說師實者
或當不喜若師不喜當云何說我等蒙師故
得衣服卧具湯藥飲食師好看我等者自當
覺知如是師者爲弟子覆護淨命是師亦從
弟子求覆護淨命是名世間第二師第三師
者知見不清淨自言知見清淨弟子共住故
知師知見不清淨自言知見清淨若我等說
師實者或當不喜若師不喜當云何說我等

蒙師故得衣服卧具湯藥飲食師好看我等
者自當覺知如是師者爲弟子覆護知見是
師亦從弟子求覆護知見是名世間第三師
第四師者不善記事自言善記事弟子共住
故知師不善記事自言善記事若我說師實
者或當不喜若師不喜當云何說我等蒙師
故得衣服卧具湯藥飲食師好看我等者自
當覺知如是師者爲弟子覆護善記事是師
亦從弟子求覆護善記事是名世間第四師
第五師者非說清淨法自言說清淨法弟子
共住故知師非說清淨法自言說清淨法若
我等說師實者或當不喜若師不喜當云何

說我等蒙師故得衣服湯藥卧具飲食師好
看我等者自當覺知如是師者爲弟子覆護
說清淨法是師亦從弟子求覆護說清淨法
是名世間第五師佛言如來清淨持戒亦自
言我清淨持戒諸弟子不覆護如來清淨持
戒如來亦不求諸弟子覆護清淨持戒如來
是淨命自言我淨命弟子不覆護如來淨命
如來亦不求諸弟子覆護淨命如來是知見
清淨自言我知見清淨諸弟子不覆護如來
知見清淨如來亦不求諸弟子覆護知見清
淨如來是善記事自言我善記事諸弟子不
覆護如來善記事如來亦不求諸弟子覆護

善記事如來是說清淨法。自言我說清淨法。諸弟子不覆護如來說清淨法。如來亦不求諸弟子覆護說清淨法。佛言如來實有是法。何不如實說佛非隨順他。又非弱語。人譬如陶師持坯瓶時不敢疾捉。如來是真實語。了了語折伏語。若堅固者住不堅固者去。汝等於如來法語中宜應忍受。佛在王舍城。忒時調達欲破和合僧。受持破僧事。妬心方便故作。是念我獨不能得破沙門瞿曇。和合僧壞轉法輪。是調達有四同黨弟子一名俱伽梨。二名乾陀驃。三名迦留羅。提舍四名三聞達。多調達到是四人所作是。

言我與汝等當共破沙門瞿曇和合僧壞轉
法輪我等當得如是名聲破沙門瞿曇和合僧
轉法輪我等能破彼四人語調達言沙門瞿
曇諸弟子有大智慧大神通力得天眼知他
心是人知見我等欲破沙門瞿曇和合僧壞
轉法輪我等云何能破調達語四人言沙門
瞿曇有年少弟子新入彼法出家不久我等
到是邊用五法誘取語諸比丘言汝盡形壽
受著納衣盡形壽受乞食法盡形壽受一食
法盡形壽受露地坐法盡形壽受斷肉法若
比丘受是五法疾得泥洹若有長老上座比
丘多知多識久修梵行得佛法味當語之言

佛已老耄年在衰末自樂閑靜受現法樂汝
所須事我當相與我等以如是方便能破沙
門瞿曇和合僧壞轉法輪四比丘言如是調
達調達後時到諸年少比丘所以五法誘之
語諸比丘言汝盡形壽受著納衣法盡形壽
受乞食法盡形壽受一食法盡形壽受露地
坐法盡形壽受斷肉法汝等行是五法疾得
泥洹復語諸長老上座比丘佛已老耄年在
衰末自樂閑靜受現法樂汝所須事我當相
與今時調達非法說法法說非法非律說律
律說非律非犯說犯犯說非犯輕說重重說
輕有殘說無殘無殘說有殘常所行法說非

常所行法非常所行法說常所行法非教說
教教說非教時諸比丘見調達欲破和合僧
壞轉法輪已往詣佛所頭面禮佛足却坐一
面白佛言世尊是調達今欲破和合僧受持
破僧因緣事是人非法說法法說非法非律
說律律說非律非犯說犯犯說非犯輕說重
重說輕有殘說無殘無殘說有殘常所行法
說非常所行法非常所行法說常所行法非
教說教教說非教佛語諸比丘汝等當呵調
達令捨是破僧因緣事是諸比丘受佛語已
到調達所言汝莫求破和合僧莫受持破僧
事當與僧和合與僧和合者歡喜不諍一心

一學如水乳合得安樂住汝當捨是破僧因緣事時調達不捨是事尔時調達四伴黨呵諸比丘言汝等莫說調達是事何以故是人說法說律是人所說是我等意是知說非不知說是人所說皆是我等所欲樂忍如是諸比丘再三諫調達不能令捨惡邪便從座起往詣佛所頭面禮足一面坐已白佛言世尊我等已約勅調達不捨惡邪有四伴黨復作是言汝等莫說調達是事何以故是人說法說律是人所說皆是我等意是知說非不知說是人所說皆是我等所欲樂忍諸比丘再三約勅不捨是事尔時佛作是念如調達

癡人及四伴黨或能破我和合僧壞轉法輪
我當自約勅調達今捨是事佛作是念已即
自約勅調達汝莫求破和合僧莫受持破僧
因緣事汝當與僧和合與僧和合者歡喜不諍
一心一學如水乳合得安樂住汝莫非法說
法法說非法非律說律律說非律非犯說犯
犯說非犯輕說重重說輕有殘說無殘無殘
說有殘常所行法說非常所行法非常所行
法說常所行法非教說教教說非教汝當捨
是破僧因緣事今時調達聞佛口教暫捨是事
佛在王舍城今時阿闍世太子所有大臣將
師信敬調達是諸人民爲助調達比丘作供

養前食後食怛鉢那諸有年少比丘出家不
久者調達以大鉢小鉢大小鍵鎡衣鈎禪鎮
繩帶匙匕鉢支扇蓋革屣隨比丘所須物皆
用誑誘調達自共百比丘或二百三百四百
五百比丘恭敬圍遶入王舍城別受好供養
前食後食怛鉢那諸有上座長老比丘得佛法
味久修梵行是諸比丘入城乞食得宿冷飯
或不得或得臭麩或不得如是麁食或飽不
飽是中有比丘少欲知足行頭陀聞是事心
不喜種種因緣呵責去何名比丘自共百人
二百三百四百五百比丘恭敬圍遶別受供
養前食後食怛鉢那諸有上座長老比丘得佛

法味久修梵行是諸比丘入城乞食得宿冷
飯或不得或得臭麩或不得如是鹿食或飽
不飽種種因緣呵已向佛廣說佛以是事集
比丘僧知而故問汝實作是事不荅言實作
世尊佛以種種因緣呵責云何名比丘自共
百人二百三百四百五百比丘恭敬圍遶別
受供養前食後食恒鉢那諸上座長老比丘
得佛法味久修梵行是諸比丘入城乞食得
宿冷飯或不得或得臭麩或不得如是鹿食
或飽不飽種種因緣呵已語諸比丘從今以
二利因緣故遮別衆食聽三人共食一利者
守護檀越以憐愍故二利者破諸惡欲比丘

力勢故莫令惡欲人別作衆別作法與僧共
諍

佛在王舍城耆闍崛山上欽婆羅夜又石窟
中住早起著衣持鉢入王舍城乞食食後還
耆闍崛山入欽婆羅夜又石窟中坐禪尔時
調達勤作方便欲害佛即雇四惡健人往上
耆闍崛山共持大石到欽婆羅夜又石窟上
待佛經行時佛晡時從石窟出在石窟前蔭
中經行時四惡人共調達推石欲擲佛上尔
時欽婆羅夜又深敬念佛見已以兩手接石
擲著餘處有碎石迸來向佛佛欲令衆生生
厭畏心及示諸業不失果報以是因緣故入

定於經行頭沒現於東方碎石隨去南西北
方亦復如是佛亦時沒大海水中碎石亦隨
佛後入須彌山中石亦隨逐到四天王上石
亦隨逐佛從四天王上至忉利天炎摩天兜
率陀天化樂天他化自在天復至梵眾天梵
輔天大梵天少光天無量光天光耀天少淨
天無量淨天遍淨天阿那婆訶天福德天廣
果天不熱天喜見天樂見天阿迦尼吒天石
亦隨逐亦時世尊攝神足力還經行頭立石
墮佛足上傷足上血出深生苦惱佛以精進
力遮是苦已而說偈言

非空非海中

非入山石間

非天上地中

可避業報處

非空非海中

非入山石間

非天上地中

得免宿惡殃

尔時調達及四惡健人初作逆罪佛即仰看
四人怖走似如人捕佛喚四人來為汝說法
尋還佛所頭面禮足在一面坐佛種種說法
示教利喜示教利喜已語言汝去莫從來道
調達即瞋更雇八人教往殺是四人佛見八
人語言汝來為汝說法八人即詣佛所頭面
禮足於一面坐佛種種說法示教利喜示教
利喜已語言童子汝去莫從來道尔時調達
復遣十六人欲殺八人語言汝往殺是八人
斷口舌故佛遙見十六人語言年少汝來為

汝說法即詣佛所頭面禮足却坐一面佛種
種因緣說法示教利喜示教利喜已語言汝
去莫從來道調達復遣三十二人語言汝往
殺是十六人轉滅口舌故佛遙見三十二人
語言年少汝來為汝說法尋詣佛所頭面禮
足却坐一面佛種種因緣說法示教利喜示
教利喜已語言隨汝意去尔時諸比丘繞石
窟四邊有立者坐者恐調達害佛佛見諸比
丘知而故問阿難諸比丘何故石窟四邊立
坐任何所待荅言世尊調達欲害佛是故諸
比丘繞石窟四邊立坐住待願令調達不來
害佛佛語阿難若調達能害佛命無有是處

若佛爲他因緣死亦無是處。尔時佛語阿難
汝將從行比丘入王舍城巷陌市肆多人住
處唱言調達所作事。若身作口作莫謂是佛
事。法事僧事此是調達及弟子所作事。阿難
受教即將從行比丘詣王舍城巷陌市肆多
人住處唱言調達身作口作事。莫謂是佛事
法事僧事此調達及弟子所作事。如是唱已
阿闍世太子內官大官聞是語作是念。沙門
瞿曇妬瞋調達故。令作是唱。是上人調達身
口可作惡耶。調達亦聞沙門瞿曇遣人入王
舍城巷陌市肆多人住處唱言調達身作口
作事。莫謂是佛事。法事僧事此是調達及弟

子事聞已倍增瞋恨向佛即往阿闍世太子
所言汝殺父我殺佛汝於摩竭國作王我當
作佛此摩竭國便有新王新佛不亦快乎阿
闍世太子聞是語喜深入其心受調達語又
時菴沙王駕駛馬車入林園中遊戲余時太子
持利劍於巷頭待余時王晝日於園中伎樂
自娛向暮還宮王來轉近即以頻遲羅劍遙
用擲王馬車速疾故得免斯難太子以不害
王故即便走逃衆官尋時圍遶收捕將至王
所王問太子言汝欲作何等答言欲奪王命
問言用誰語耶答用上人調達語余時大臣
有言一切沙門釋子皆應打殺有言一切沙

門釋子有何等罪應殺調達及其伴有言調
達伴有何等罪但殺調達有言何以殺諸沙
門釋子何以殺調達伴有言何以殺調達大王善
好賢柔應死者放云何殺諸沙門出家人所
我等何不以此事白王隨王教治事亦成斷
何煩我等自用力耶王還宮已因此事故於
治處坐大臣官屬皆來朝覲於一面立王言昨
等起事當云何斷荅言大臣有言一切沙門
釋子皆應打殺又言一切沙門釋子有何等罪
應殺調達及其伴有言調達伴有何等罪但
殺調達有言何以殺諸沙門釋子何以殺調
達伴有言何以殺調達大王善好賢柔應死者放

云何殺諸沙門出家人也我等何不以此事
白王隨王教治事亦成斷何須我等自用力
耶王言諸沙門釋子先時違人唱言調達身
口所作事莫謂是佛事法事僧事此是調達
及伴所作事此事先已唱說王聞大臣有言
一切沙門釋子皆應打殺王不可是語有言
諸沙門釋子有何等罪應殺調達及弟子王
亦不可是語有言調達伴有何等罪應殺調
達王亦不可是語有言何以殺一切沙門釋
子何以殺調達伴何以殺調達大王善好賢
柔應死者放隨王教治事亦成斷何須我等
自用力耶王即可之

聚教南定此物持

王自問太子言汝欲作何等即除慚愧荅言
我欲奪王命何以故王有王鼓王伎樂王持
蓋王行時金澡瓶導前我無王鼓王伎樂王
持蓋王行時金澡瓶導前王便與太子王鼓
王伎樂王持蓋王行時持金澡瓶導在前亦
時二王打鼓二王唱導二王持蓋二王持金
澡瓶在前治國土法不可隨一切人意瓶沙
王先未得道時所可作惡不隨人意是諸人
民心懷瞋恨而作是念時到當報是諸惡人親
近阿闍世白言何國土中有二王者王言云
何二主荅言二王打鼓二王作王伎樂二王
持蓋二王行時持金澡瓶在前二王唱導汝

父王後若須國時當奪汝命獨自作王汝應
方便治王阿闍世王聞已心喜忍受即勅大
臣官人捕取父王今著獄中大臣受教尋便
收捕繫在牢獄大王善好賢柔百千萬人持
諸餽饈往問評王王噉以自活過數日已阿
闍世王問大王活不荅言活云何得活荅言
問評人與飲食活王即勅獄官自今已後莫
聽人入後王夫人盜持食入王噉得活過數
日已王復問言大王活耶荅言活云何得活
荅言有王夫人來與飲食故即勅獄官莫聽
夫人入有大夫夫人深敬念大王以食塗衣裏
更著上衣往到獄中脫衣與王今食得活過

數日已王復問言父王活耶荅言活云何得
活荅言大夫人來緣得食活王言莫聽大夫
人入父王在獄中遙見耆闍崛山大王見佛
及僧舍利弗目連阿那律難提金鞞羅上山
下山大王得遙見佛及僧歡喜故活過數日
已阿闍世復問父王活耶荅言活云何得活
大臣妬心荅言遙見佛及僧故活王即勅令
障隔莫令得見諸佛常法有大因緣入城時
現如是神通方象深鳴馬悲鳴諸牛吼鵝鴈
孔雀鸚鵡舍利鳥俱耆羅鳥鴻鵠諸鳥出和
雅音大鼓小鼓笙篳篥笛琵琶簫瑟箏築鏡
鈸不鼓自鳴諸貴人舍所有金銀寶器內外

莊嚴具若在箱篋中自然作聲音者得視聾者
得聽瘖者得言痾癖者得伸跛蹇者得手足昧
眼者得正癭者得除苦痛者得樂毒者消歇狂
者得志殺者離殺偷者離偷邪淫者不邪淫
妄語者不妄語兩舌惡口綺語者不綺語貪
者不貪瞋者不瞋邪見者離邪見牢獄閉繫
枷鎖杻械悉得解脫急鬧處者皆得空閑未
種善根者種已種者增長已增長者得解脫
諸伏藏寶物自然發出現如是希有事諸衆
生得利益尔時佛入王舍城以右足蹈門闥
上悉現如是種種瑞應瓶沙王曾見此相知
佛當入王從樓閣向孔間立看佛入城王得

聖道見佛及僧歡喜故活過數日已阿闍世
復問王今活耶荅言活云何得活諸大臣妬
心荅言佛入城現神通力父王從向孔中見
佛故活阿闍世王言以利刀削大王脚底皮
却急繫莫令東西即受教削大王脚底急繫
不得東西王以是故卧日就羸篤有一時阿
闍世王共母俱食王有一子字優陀耶跋陀
於道頭與狗子共戲王問優陀耶跋陀今何
所在荅言道中與狗子共戲王言喚來我與
共食即抱狗子隨信俱至王子不食王言何
故王子言王聽我與狗子食者尔乃食耳王
言隨意王子自食隨持與狗王語母言我作

難事何以故我澆頂利利王以愛念兒故與
狗共食母言此非作難事何以故人有噉狗
肉者與食何恠曾知汝父作難事不王言作
何難事母言汝年少時手指生癰受篤苦痛
晝夜不寐汝父抱汝膝上口含癰指大王體
軟汝得安睡由口暖故癰熟膿潰大王心念
却指唾膿復增子苦即隨咽膿汝父作是難
事願汝時放王聞默然母謂已放宮中聲出
已放大王巷陌諸處聞大王得出王賢善故
百千種人皆稱善哉咸到獄所各作是言大
王得出大王聞已作是念我兒惡逆無慈愍
心不知當復何事治我作是念已自投床下

遂便命終。尔時阿闍世王奪父王命，得大逆罪。佛在王舍城耆闍崛山中，與大比丘衆五百人俱。尔時世尊中前著衣持鉢入王舍城乞食。食已，還上耆闍崛山。七日之中，結跏趺坐受禪定。樂過七日，已中前著衣持鉢入城爲乞食。故尔時調達聞瞿曇沙門在王舍城耆闍崛山中，與大比丘衆五百人俱。瞿曇中前著衣持鉢入王舍城乞食。食已，還上耆闍崛山。七日之中，結跏趺坐受禪定。樂過七日，已中前著衣持鉢入城爲乞食。故尔時阿闍世王有爲名守財，凶惡多力，四方無雙。于時調達持五百金錢與魚師言：汝知不耶？王敬待我。

我今於人能有損益此五百金錢今並與汝
若事果成厚相供給田宅人民問言何事荅
言沙門瞿曇與大比丘衆五百人俱在耆闍
崛山中沙門瞿曇中前著衣持鉢入王舍城
乞食食已還上耆闍崛山七日之中結跏趺
坐受禪定樂過七日已中前著衣持鉢入城
爲乞食故汝能以酒與爲令醉解鎖却絆令
奪瞿曇沙門命不爲師荅言尔此是小事斯
爲屬我想不忘報調達語言我聞沙門瞿曇
却後七日當來入城即屈指度籌到七日時
與象酒醉繫住待佛諸佛常法有大因緣入
城時現如是瑞應象深鳴馬悲鳴諸牛王吼

鵝鴈孔雀鸚鵡舍利鳥俱者羅鳥鴻鵠諸鳥
出和雅音大鼓小鼓箏篪箏笛琵琶簫瑟
箏篳篥不鼓自鳴諸貴人舍所有金器銀器
內外莊嚴具若在箱篋中自然作聲音者得
視聾者得聽瘖者能言痾躄者得伸跛蹇者
得手足昧眼得正癭者得除苦痛得樂毒者
消歇狂者得志殺者離殺偷者離偷邪淫者
不邪淫妄語者不妄語兩舌惡口綺語者不
綺語貪者不貪瞋者不瞋邪見者離邪見牢
獄閉繫枷鎖杻械悉得解脫急鬧處者皆得
空閑未種善根者種已種者增長已增長得
解脫諸伏藏寶物自然發出現如是諸希有

事一切衆生皆得利益佛到城已右處著門
闌上即現如是種種瑞應爲師曾見是相知
佛入城即解爲絆放去欲令害佛無能遮者
是爲一面有三瘤醉狂蹴蹋百千萬衆皆大怖
畏有入舍者在屏覆處者巷陌皆空除佛及
弟子有賢者遙見守財爲來向佛所白佛言
世尊是爲飲能醉酒已離羈絆遣來害佛無
能遮者願佛入舍若還出城勿令此爲害世
尊命佛言若守財爲奪佛命者無有是處若
佛爲他因緣死亦無是處是賢者心大歡喜
言若守財爲能奪佛命無有是處若佛爲他
因緣死者亦無是處亦時衆人於屋上樓閣

上向中立作高大聲時有不信者言是守財
爲或能殺佛有信者言是守財爲能殺佛者無
有是處爲遙見佛即便齧齒舉鼻豎尾弮耳
努力走向佛所諸比丘遙見象來皆大驚怖
捨佛走逃唯除一阿難象來逼佛佛即以慈
三昧力象醉即醒頭面禮佛以鼻拭佛足佛
以右手摩其頭即說偈言

世尊以長臂

柔軟相輪手

摩按象頭教

如父教其子

佛言大象

莫起惡業

起惡業者

不生善處

伊羅轅象

跋陀和象

提羅遮象

醯摩和象

有凶行象

有牛王象

天象等禮佛

不放逸調戲

放逸調戲者

不得生善處

若汝不放逸

當得生天上

佛說偈已爲守財鳥說法示教利喜示教利
喜已默然時守財象從佛聞法故心悔淚出
頭面禮佛足右遶而去尔時衆人聞佛摧伏
惡象希有事故無量衆集佛見無量衆集已
告阿難言汝爲我敷座辦水阿難受教即於
是處敷座辦水合掌白佛言世尊已敷座辦
水佛自知時佛即洗足就所敷座坐已便入
禪定於此處沒出於東方虛空中現四威儀
行立坐卧入火光三昧現種種色光青黃赤
白紅縹紫碧身下出火身上出水復從身上

出火身下出水南西北方亦復如是現如是
種種神通力已還坐本處時座衆人先懷厭
惡怖畏心者見佛神變及調伏醉象即於佛
所深生信敬佛知衆生深信柔軟隨其所應
爲說道法是衆中有人得暖法者頂法者順
道忍法者三毒薄者離欲者世間第一法者
有得須陀洹果斯陀含果阿那含果者有種
聲聞乘因緣者有種辟支佛乘因緣者有種
佛乘因緣者如是利益無量衆生佛於是日
無所食噉捉阿難臂便從虛空還耆闍崛山
中諸比丘聞世尊還皆詣佛所頭面禮佛足
却住一面白佛言希有世尊如是急怖畏時

阿難不捨離佛佛語諸比丘阿難不但今急
怖時不捨離佛乃過去急怖時亦不捨離佛
今當說之有過去世近雪山下有鹿王名威
德作五百鹿主時有獵師安穀施紈鹿主前
行右腳墮毛紈中鹿主心念若我現相則諸
鹿不敢食穀須噉穀盡尔乃現相現脚相時
諸鹿皆去唯一女鹿住說偈言

大王當知是紈師來願勤方便出是紈去

尔時鹿王以偈答曰

我勤方便力勢已盡毛紈轉急不能得出

尔時女鹿見獵師轉近重說偈言

大王當知紈師轉近願勤方便求出是紈

鹿王答言

我勤方便力勢已盡毛鬚轉急不能得脫
女鹿見獵師到已向說偈言

汝以利刀先殺我身然後願放鹿主命去
獵師聞之生憐愍希有心畜生深愛他故乃
能與命以偈答言

我終不殺汝亦不殺鹿王放汝及鹿王

隨意所樂去

獵師即時解放鹿王佛語諸比丘昔鹿王者
豈異人乎莫作異觀則我身是五百鹿者則
汝等五百比丘是汝等過去世急怖時捨離
我今急怖時亦捨離我去時獵師者則守財象

是過去世不惱害我今世亦不害我時女鹿
者阿難是過去世急怖時不捨我去今世急
怖時亦不捨我去佛即以是因緣故說第二
本生佛言過去世時有波羅捺城城邊有池
池名兩成是池中有多水多魚多龜多鵝鴈鴨
中有鴈王名治國作五百鴈主今時有獵師
先施毛繡近穀是鴈王前行右脚踏繡中作
是念若我出是繡脚者餘鴈不敢噉穀須噉
穀盡然後當現噉穀盡已即便現脚相衆鴈
捨王飛去唯有一大臣名蘇摩不捨王去治
國鴈王語大臣言我與汝職作王在諸鴈前
行荅言不能問言何故今時大臣以偈荅言

我願隨王死生不變 寧共王死 勝相離生
大王當知是羅師來 但勤方便 求脫此羅
尔時鴈王以偈荅言

我勤方便 力勢已盡 毛羅轉急 不能得脫
尔時大臣見羅師轉近復說偈言

大王當知 羅師欲至 願勤方便 求脫此羅
尔時鴈王以偈荅言

我勤方便 力勢已盡 毛羅轉急 不可得脫

蘇摩大臣見羅師到已向說偈言

大王毛脂肉 我與等無異 汝以刀殺我
放王不損汝

尔時羅師作是念畜生深愛他故乃能與命

甚爲希有作是念已語大臣言我不相殺放
汝及王隨意樂去獵師即解鴈王放去是二
鴈小遠共相謂言是獵師作希有事與我等
命若先殺一後殺一誰能遮者我等資生之
具當以厚報獵師聞已問言汝等何說不能
去耶二鴈荅言我等能去但具說汝作希有
事與我等命若汝先殺一後殺一誰能遮者
我等資生之具當以厚報獵師問言汝是畜
生有何生具以用報我二鴈荅言波羅捺王
名梵德汝持我與時獵師言彼或害汝云何
當與鴈言汝莫繫縛我但散持去尔時獵師
持二鴈著兩肩上到城巷陌中行是鴈端正

衆人樂見多人愛念衆中有言我與汝五錢
有與十錢二十者皆言小待莫殺是人比至
王宮大得財物獵師到王宮門已置鴈于地
鴈王語守門者汝白梵德王治國鴈王今在
門外便往白王王即聽入與設金床蘇摩大
臣隨所應與共相問訊然後就座以偈問訊

梵德王言

王體安隱不

國土豐足不

如法化民不

等心治國不

尔時梵德王以偈荅言

我常自安隱

國土恒豐寧

以法化國民

等心無偏私

如是酬對說五百偈梵德王聞其所說而作
是念鴈王乃亦明達蘇摩大臣時默然住梵
德王言汝何故默然大臣荅言汝是人王國
主此鴈王陂澤國主二王共語何敢間錯王
作是念此是賢臣語言蘇摩我有好園汝能
於中住不當更集諸鴈爲汝等作池與汝等
作隨所樂食荅言不能王問何故鴈王言王
或睡覺忘不蠲我勅作鴈肉食若宰人不能
得餘鴈或殺我等以充王廚治國鴈王入王
宮中諸鴈從雨成池出於王宮上徘徊悲鳴
翅濕有水灑汗宮殿王仰看見水汗宮殿恠
而問曰此是何等鴈王荅言是鴈鴈言

汝欲去耶。答言欲去。主言汝何所須。答言我
爲獵師所得於我等作希有事與我等壽。若
先殺一後殺一誰能遮者。王言當何以報之。
二鴈答言與金銀磔磔瑪瑙衣服飲食作是
語已飛昇虛空。佛語諸比丘。尔時治國鴈王
豈異人乎。則我身是五百鴈者。則五百比丘
是過去急怖時捨我去。今世急怖時亦捨我
去。獵師者守財象是過去世時不惱害我。今
亦不惱害我。梵德王者即淨飯王。是蘇摩大
臣者阿難。是過去急怖畏時不捨我。今急怖
畏時亦不捨我。佛即時以是因緣故說第三
本生有過去世近雪山下有師子獸王住作

五百師子主是師子主後時老病瘦眼闍在
諸師子前行墮空井中五百師子皆捨離去
余時去空井不遠有一野干見師子王作是
念我所以得此林住安樂飽滿肉者由師子
王故師子今墮急處云何當報時此井邊有
渠流水野干即以口脚通水入井隨水滿井
師子浮出時此林神而說偈言

身雖自雄健 應以弱爲友 小野干能救

師子王并難

佛語諸比丘余時師子王者豈異人乎則我
身是五百師子者諸比丘是過去世急怖時
捨離我去今急怖時亦捨離我去野干者阿

難是過去世時愛念我今亦愛念我佛即以
是因緣故如是廣說五百本生

十誦律卷第三十六

存

稊粳

二音庚同

鬻

莫班反

額

額

吾客反

唾

土卧反

芭蕉

上必

麻駮

郎和反

妊

而禁反

耄

莫報反

陶師

上音桃

坏

疋回反

鉉

玄犬反

匙

匕

下卑履反

麩

尺

小

雇

音故

迸

反諍

娛

音愚

餽饅

上戶交反下時扇反

鴻

鵠

上音胡篤反

瑟

音紅下

瑟

所節反

箠策

上音良吉反必下

鏡

鉞

上左交反下蒲末反

篋

下叶反

痾

癖

必亦反

跛蹇

上必下居退反

我

反

眈

郎代反

癭

一領反

歇

許謁

蹈

音盜

闢

苦本反

削

思約反

羸

力垂反

澆

古堯反

寐

密二

潰

玄對反

咽

於見反

絆

音半

瘤

音流

蹠

秋六反

屏

覆

二字音

霽 居宣

齧

五 結

弭

反 弭 介

努

反 乃 古

杖

反 粉

轅

音 園

調 戲

上 徒

反 縹

反 疋 小

獵

反 良 輒

穀

反 音 谷

縹

反 俱 犬

陂

音 興

蠲

反 俱 去

翅

反 施 智

